

მემორანდუმი

საქართველოს პროფესიონალ ბუღალტერთა და აუდიტორთა ფედერაციასა და აუდიტორთა ბუღალტერთა და ფინანსურ მენეჯერთა პროფესიულ ფედერაციას შორის თანამშრომლობის თაობაზე

12 მარტი, 2018 წ.

ქ. თბილისი

წინამდებარე მემორანდუმზე ხელმომწერი მხარეები, ერთი მხრივ, საქართველოს პროფესიონალ ბუღალტერთა და აუდიტორთა ფედერაცია და მეორე მხრივ, აუდიტორთა ბუღალტერთა და ფინანსურ მენეჯერთა პროფესიული ფედერაცია,

ვაცნობიერებთ რა პროფესიულ სფეროებში არსებულ გამოწვევებს, პროფესიული მომსახურების ხარისხის და კადრების კვალიფიკაციის ამაღლების აუცილებლობას,

ვაღიარებთ რა ქვეყნის საინვესტიციო და ბიზნესგარემოს გაუმჯობესებისთვის სამოქმედო სფეროებში საუკეთესო საერთაშორისო პრაქტიკის დანერგვის მიზანშეწონილობას,

ვთანხმდებით ვითანამშრომოთ და საერთო ძალისხმევა, გამოცდილება, კომპეტენცია მივმართოთ პროფესიული ინტერესების უზრუნველყოფისთვის.

**თანამშრომლობის ფარგლები, პრინციპები და მექანიზმები
მემორანდუმზე ხელმომწერი მხარეები თანხმდებიან:**

- ბუღალტრულ აღრიცხვას, ანგარიშგებას და აუდიტურ საქმიანობაში არსებული საერთო და სპეციფიური პრობლემების გადაწყვეტა აუცილებელია ახალი საკანონმდებლო ინიციატივებით, მარეგულირებელი აქტების სრულყოფით, ევროპულ კანონმდებლობასთან მათი ჰარმონიზაციის გზით;
- საჭიროა სამოქმედო სფეროებში საერთაშორისო სტანდარტების, სხვა თანამედროვე ინსტრუმენტების დანერგვის პოპულარიზაცია, მსოფლიოს პოზიციების დაახლოება, ერთობლივი სამოქმედო გეგმების დასახვა და რეალიზაცია.

მხარეები თანხმდებიან, რომ ზემოჩამოთვლილი და სხვა ამოცანების გადაჭრის მიზნით:

- როგორც თანასწორუფლებიანი სუბიექტები, იმოქმედებენ ერთობლივი ძალისხმევით;
- გაიზიარებენ ევროდირექტივების მოთხოვნებს და ევროკავშირის წევრ ქვეყნებში დაგროვილ გამოცდილებას;
- არ მიემზრობიან კანონით ისეთი ახალი ნორმის დაწესებას, რომელიც გააუარესებს პროფესიული ორგანიზაციებისთვის საქმიანობის პირობებს;
- იზრუნებენ პროფესიის წარმომადგენელთა ღირსებაზე და გაუფრთხილდებიან ორგანიზაციების რეპუტაციას;
- ხელს შეუწყობენ ერთმანეთს საერთაშორისო პროგრამებსა და პროექტებში მონაწილეობისთვის.

ევროკავშირის კანონმდებლობასა და საერთაშორისო სამართლებრივ ინსტრუმენტებთან საქართველოს კანონმდებლობისა და პრაქტიკის დაახლოების პროცესში განსხვავებული აზრის არსებობისას:

- მხარეები ერთობლივად იმსჯელობენ განსხვავებულ მოსაზრებებზე და მიაღწევენ კონსესუს;
- მხარეები იზრუნებენ იმაზე, რომ არ დაუშვან პროფესიისა და პროფესიული ორგანიზაციების წარმომომადგენლებს შორის დაპირისპირება.

თანამშრომლობის კერძო ასპექტები

ინტერესის და მიზანშეწონილობის არსებობის შემთხვევაში, მხარეები:

- ითანამშრომლებენ განვითარებითი განათლებისა და სასერტიფიკაციო პროგრამების, სერტიფიცირებული ბუღალტრის სტატუსის მაძიებელთათვის საგამოცდო პროცესის დახვეწის, ახალი ფორმების დამკვიდრებისა და ერთიანი მიდგომების მისაღწევად;
- დასაშვებად მიიჩნევენ გააერთიანონ სერტიფიცირების პროგრამის ელემენტები, მათ შორის, ერთობლივად მიმართონ ზედამხედველობის სამსახურს გამოცდის განმახორციელებელი ორგანოდ აღიარების მიზნით;

- დასაშვებად მიიჩნევენ გააერთიანონ სერტიფიცირების პროგრამის ელემენტები, მათ შორის, ერთობლივად მიმართონ ზედამხედველობის სამსახურს გამოცდის განმახორციელებელი ორგანოდ აღიარების მიზნით;
- სერტიფიცირებისა და განგრძობითი სწავლების პროცესის უზრუნველსაყოფად, ერთმანეთისთვის ხელმისაწვდომს გახდიან ახალგამოცემულ წიგნებსა და ლიტერატურას. ბუღალტერთა და აუდიტორთა ფედერაცია ბუღალტერთა აუდიტორთა და ფინანსურ მენეჯერთა ფედერაციას მიაწვდის ახლადგამოცემულ სტანდარტებსა და სახელმძღვანელოებს. კანდიდატებს შესაძლებლობა ექნებათ დადგენილი წესით, ისარგებლონ ბუღალტერთა და აუდიტორთა ფედერაციის საკუთრებაში არსებული წიგნებით;
- ერთობლივად ჩაატარებენ კონფერენციებს, შეხვედრებს, დებატებს, დისკუსიებს, კვლევებს აქტუალურ თემებზე;
- გაზიარების და ინფორმაციული ღიაობის დასამკვიდრებლად, საეტაპო თუ საანგარიშებო ღონისძიებებზე მოიწვევენ მხარეთა წარმომადგენლებს;

დამატებით პირობები

- მემორანდუმის შინაარსი ცნობილი და შეთანხმებულია ხელმომწერი პროფესიული ორგანიზაციების ყველა დონის ხელმძღვანელი რგოლის წარმომადგენლებისათვის.
- მემორანდუმით განსაზღვრული პირობების შესრულება სავალდებულოა და ასეთად დარჩება ხელმომწერი პროფესიული ორგანიზაციების ხელმძღვანელი რგოლების წევრთა შემადგენლობის ცვლილების მიუხედავად.

ხელმოწერები:

ბუღალტერთა და აუდიტორთა ფედერაციის
სახელით

ფედერაციის აღმასრულებელი დირექტორი
ლავრენტი ჭუმბურიძე



ბუღალტერთა აუდიტორთა და ფინანსურ
მენეჯერთა ფედერაციის სახელით

ფედერაციის გამგეობის თავმჯდომარე
ელგუა აფრიდონიძე

